



Broj: 10/E-11-11274/23-1
Sarajevo, 11-03-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Opštinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka radne odjeće i obuće za članove Općinskog štaba CZ i Službi za spašavanje iz ruševina - **LOT 1 – Nabavka radne odjeće i obuće za članove Općinskog štaba CZ** (Zapisnik o pregledu i ocjeni ponuda broj: 10/E-11-11274/23-1 od 29-01-2024. godine), Opštinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**Abc Sporting**“ d.o.o. **Banja Luka, ulica Aleja Svetog Save broj 59, 78000 Banja Luka**, broj: 17/24 od 23.01.2024. godine, za nabavku radne odjeće i obuće za članove Općinskog štaba CZ i Službi za spašavanje iz ruševina za **LOT 1 – Nabavka radne odjeće i obuće za članove Općinskog štaba CZ**, putem konkurentskog zahtjeva za dostavu ponuda, uz primjenu e-aukcije, u ukupnom iznosu od **26.220,00 KM bez PDV-a**, odnosno **30.677,40 KM sa PDV-om**.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti Ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o Ź e n j e

Postupak za javnu nabavku radne odjeće i obuće za članove Općinskog štaba CZ i Službi za spašavanje iz ruševina, pokrenut je Odlukom Opštinskog načelnika o pokretanju postupka javne nabavke, broj: 10/E-11-11274/23 od 01.12.2023. godine, putem konkurentskog zahtjeva za dostavu ponuda, uz primjenu e-aukcije.

Postupak javne nabavke je podijeljen na lotove i to:

- LOT 1 – Nabavka radne odjeće i obuće za članove Općinskog štaba CZ
- LOT 2 – Nabavka radne odjeće i obuće pripadnicima Službe za spašavanje iz ruševina

Obavještenje o nabavci broj: 848-7-1-211-3-249/23 objavljeno je dana 29.12.2023. godine na Portalu javnih nabavki, a sažetak Obavještenja o nabavci objavljen je u „Službenom glasniku BiH“, broj 3/24.

Procijenjena vrijednost javne nabavke za LOT 1 iznosi **26.480,00 KM bez PDV-a**.

U roku za predaju ponuda koji je određen tenderskom dokumentacijom (25.01.2024. godine do 10:00 sati), na adresu Ugovornog organa predata je jedna (1) ponuda za LOT 1, dostavljena od ponuđača „Abc Sporting“ d.o.o. Banja Luka.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude, kao kriterij „najniža cijena“, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„Abc Sporting“ d.o.o. Banja Luka	26.220,00	/	30.677,40

Nakon izvršenog javnog otvaranja ponude, na zatvorenom sastanku Komisija I je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima. Uvidom je Komisija I ustanovila da dostavljena ponuda ispunjava formalno-pravne, ekonomske i tehničke uslove, odnosno da ispunjava zahtjeve ugovornog organa iz tenderske dokumentacije za predmetnu nabavku, te da je prihvatljiva u smislu Zakona o javnim nabavkama.

Komisija I je konstatovala da dostavljeni uzorci za robe pod rednim brojem 2 – košulja; rednim brojem 4 – zimska jakna i rednim brojem 5 – poluduboka čizma, u svemu odgovaraju zahtjevima i opisima iz tenderske dokumentacije odnosno Tehničkog opisa/karakteristika za LOT 1 – Nabavka radne odjeće i obuće za članove Općinskog štaba civilne zaštite (Aneks 2a/LOT 1.).

Detaljnom računskom provjerom ispravnosti ponude navedenog ponuđača, Komisija I je utvrdila da je podnesena ponuda računski ispravna, te da je ispravno obračunata ukupna cijena ponude sa PDV-om.

Tenderskom dokumentacijom je predviđeno provođenje e-aukcije. S obzirom na to da je primljena samo jedna prihvatljiva ponuda, e-aukcija se nije zakazivala, shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23). Rangiranje ponuda na osnovu kriterija „najniža cijena“, kako slijedi:

Rang	Ponuđač	Ukupna cijena ponude (KM) bez PDV-a
1.	„Abc Sporting“ d.o.o. Banja Luka	26.220,00

Cijeneći sve prethodno navedeno, Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača **„Abc Sporting“ d.o.o. Banja Luka, ulica Aleja Svetog Save broj 59, 78000 Banja Luka**, broj: 17/24 od 23.01.2024. godine, za nabavku radne odjeće i obuće za članove Općinskog štaba CZ i Službi za spašavanje iz ruševina za **LOT 1 - Nabavka radne odjeće i obuće za članove Općinskog štaba CZ**, sa cijenom u ukupnom iznosu od **26.220,00 bez PDV-a**, odnosno **30.677,40 KM sa PDV-om**, sa kojim će biti zaključen Ugovor.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK
Srdan Mandić

Prilog: Zapisnik o pregledu i ocjeni ponuda
broj: 10/E-11-11274/23-1 od 29-01-2024. godine

Dostaviti:

1. Ponuđaču: „Abc Sporting“ d.o.o. Banja Luka,
ulica Aleja Svetog Save broj 59, 78000 Banja Luka
2. Službi za civilnu zaštitu
3. Kabinetu opštinskog načelnika – Odsjek za javne nabavke
4. Službi za finansije
5. U spis